

仙屏書屋初集

仙屏書屋初集詩錄卷之九

宜黃 黃爵滋樹齋著

除太母服作

侍吾母日長雖云久飄忽嗟永傷昔

我前祖母相我祖行年未三十倏爾捐珮璫惟我

父與叔幼穉誰辨營叶祖母實繼之深慰我祖望豆醬

三伏暑菘齏十月霜蓬頭朝爨熱敲指宵杼忙食不飽

一飯賓客豐酒糲衣不煖一帛兒女潔衣裳視祖所可

否愛憎故雨忘我婦不及姑視之尤周詳憶自丁丑歲

孳家瀝之陽遣我膝下女歸侍祖母勞苦怨瀝山高不
獲安輿將蹉跎六七載南北心徬徨我祖旣云逝祖母
亦鮮康丁亥婦北來拜別心悽愴長女嫁而天老淚添
汪汪兒媳雖在側豈能歡一觴去年父書來驚噩交涕
滂吁嗟劬老死不獲安樂償地下語我祖五世今其昌
地下語我母孫曾亦堂堂乍榮物易衰徐至福無量惟
我世世嗣家法守其良服除告我婦遙奠臚羶薌我思
曷云已骨肉慨以慷

牟將軍寶刀歌爲龔木民作

將軍奈此寶刀何寶刀愁和龔生歌將軍聲勢猛於虎
持刀殺賊如殺鼠飛騰曾其倚青天沈淪幸不埋黃土
此日龍文瑩拭膏當時血色黯滿袍賢侯忍見忠勲沒
謂利川令王君汝形烈士由來聲價高問訊將軍舊遊地寶刀洗
出松江翠龔生今亦江南行腰間壓倒龜鼉氣酒酣拔
刀刀在空慎勿輕用摧其鋒

鳳陽行送卞光和大守

朝登日月峰精華不可窮夕泛灘渙水文章一何綺誰
言此地非樂土士類之歸首何武輕徭課耕靖民風近

不月書卷
二
時復有史記功儀徵卞子瑰傑才十載把臂同燕臺寒
雪看催驄馬去春花喜傍安輿開人言鳳陽有老吏鷲
鳥飛空啄木避會以春溫濟秋肅夾道衙衙馴白鹿君
行贈我庭前蘭何以報之同心言爲語劉子珪大儒可
出爲世師爲求沐文英猛士當思守四方

後撫州行贈劉梅坪大守六首

有水滔滔臨與爾源遠流長不可禦前有同叔後若士
相業才名孰繼武靈谷自有梗楠材元氣摧剝枯根萎
大守來兮栽者培

有山崔崔曰雲林寸雲可作三日霖錦繡谷裏春風深
春風駘宕回天心君不見梭山老圃已寂寞象山講義
誰能索太守來兮切咨度

有田種玉不可以鬻有鯉化石不可以食君不見華蓋
山高高插天香煙一氣凌斗垣太守來兮祝豐年

有水有水宜與黃有山有山鳴鳳皇十里五里水碓張
十家九家春無糧君不見黃生無田不可歸父老坐歎
風俗衰太守來兮吾其師

有山有山芙蓉高有水有水聞化鼃昔何繁盛今何雕

鏡香亭空人寂寥君不聞抗疏詹思吉著書原鳴喜太
守來兮堪薦芷

有文有文天備子韓歐之筆程朱理今之艾生

至堂孝廉暢

實繼起前者楊侯

履菴大令開泰

咨利弊東鄉已獲循良吏太

守來兮化更寬竹馬爭迎六邑歡

至日招同人小集寓齋分韻

癸巳之歲月在辜一陽始復虛其邪

南郊三日畢齊宿

玉皇返駕羣靈舒我有嘉賓來于于何以飲之酒百壺

昔賢誰見出處其今人况復升沈殊升沈雖殊道不渝
與酣落筆相于喁老農仰天急種麥三白不見淚眼枯
吾輩各各談鄉閭米貴愁接家中書勸君且飲君勿忤
君不聞堯如腊舜如脂四海鼓腹而含哺吁嗟安得四
海鼓腹而含哺風雨調燮羣生蘇起看北斗迴天樞

喜雪卽事柬金亞伯

敝裘衝雪不知寒瀛海茫茫玉作瀾昨夕猶勤三殿禱
今朝眞見萬家歡野田飽漬無螟螣宮樹深藏有鳳鸞
好爲蒼生進封事天街聯轡喜同官

歲暮懷人詩三十四首

龍巖林采田師

東山初月上照見盃中春先生拚一醉此外皆浮雲安
得返世士來其飲吾醇

宛平劉藹亭師

危險慣仕途海颯顛不死回首十年前招我屠沽市何
時賦歸來荒徑鋤菊杞

前輩丁興齋學士傑

事兄如事父一官親供養悠悠死喪威征途一何曠江

湖多鮮民極目矧愴况

前輩劉岷南給事光三

呼酒送君行君行不我顧何時劇思君鴉月倚寒暑想
見課耕餘恬然消百慮

前興安廣文鄒曉江先生夢蓮

素交無窮達百年空緬邈先生獨健者山花扶講幄猶
憶應門時詩筒見商摧

林芾南修撰名棠

送君去年月思君今年雪澄川有深源餐膳信甘潔我

仙身增進
五
懋山中人進退孰巧拙

高南渠編修樹勲

清貧乃素位所深骨月悲歲晏君不返北堂千里思應
知漢水上遊子重徘徊

余東才明經德楷

君住宮亭湖湖水幾深淺牀頭一卷圖靈鑰常在眼君
有圖鑰不逢采芝人名業何時歲

傅荀圃秀才班聯

傅叟髦猶勤萬卷手自寫記從出東郭飲我碧桃下妻

孥頗自得於世亦殊寡

杜尺莊孝廉照

山中孰閉關杜叟泉石姿佳兒望舍返翻謝白雲司

軒比部
寶辰

風高鳴鶴遠翦燭頻相思

郭羽可中翰儀霄

我愛郭生竹飄瞥騰青鸞懸之虛堂內四序不改觀遙
憶高吟發梁園雪正寒

徐東松明經湘潭

徐生遇侏儻陶寫惟文章骨堅金石鍊氣挾風雲翔世

無知己者毀譽應兩忘

李牧臣廣文覺

十年謀佳兒聞當豐羽毛老鳳自孤吟一笑甘蓬蒿
然挾遊具醉對懷玉高

姍丈余一齋秀才學圃

朱陳本世戚結交稱忘年舊家感中落何以爲粥餽菡

蓄有生意莫漫成枯禪

石碧之側有菡萏
禪林君嘗讀書處

何礪渠廣文金

與君識面初月照蘭溪水思君又十年花縣渺河浹猶

憶訪君家鐵杖樓邊市

潘穀士明經葆田

浮雲繫高空飄忽不知處豈其挾神龍深潛謝遠翥思
君陌頭水不辨東西路

簡夢巖孝廉鈞培

窮鳥不可窮飄然返林岫眼見朱門客變滅如雲驟新
詩日吟哦印壑自迴秀

張亨甫明經際亮

靈巖揖高僧稽山探禹穴復聞庾嶺行梅花白於雪蒼

涼百卷詩此意向誰說

吳子序明經嘉賓

吳生著經餘文章皆欲飛記同踏雪行天風寒翠微咫尺不相見昔瘦今當肥

陳伯游大學方海

一櫂返江南江南近何似獨有六朝山寒秀落文几應懷故交遠南北各殊軌

苗仙露明經學植

世無君子館殘磚乃獨抱可能負米歸日進堂前老實

行薄虛名慎勿疑枯槁

譚桐舫孝廉祖同

鴻鵠羨雙舉中途聞折翼

謂令弟梅臣

孤鳴向何方雲月杳

寒碧苦憶蕭寺鐘音塵多闕寂

魏默深中翰源

江亭一別後芳蹤何落落知君不凡才出處肯輕託予
懷若白雲裊裊寄虛廓

江龍門秀才開

燕市一罇酒拔劍爲高歌有時寂閉戶夢荷天山戈科

目豈限人君當待禮羅

符雪樵孝廉兆綸

淬厲劍成鋒磨礱玉開瑩奔走雖云勞致道在虛靜
我鵲華高相對發新詠

潘四農孝廉德輿

淮上風雪多君思正如何既耕亦既讀奈此鬢髮皤
髮雖欲皤吾道庸蹉跎

徐莘生進士卓

徐卓著述才蘊芽獨斂手一旨非所榮不怨居人後聞

當載書來飲爾逡巡酒

盧籟亭孝廉諛

楊侯

鑑泉明府

重君才延作經生師想登來鶴亭臨流賦新
詩詩心與鶴唳清潔兩相期

魏培因秀才崇基

魏生總角時文挾幽燕氣如何迫窮愁十載屈戰藝在
德不在才源深流不匱

饒馬生明經崇慈

才思若春藻醞以芳露幽想當抗古人詩力十倍邁速

華誚無根君子慎厥修

萬靜巖司獄光徵

胸中羅異籍不受世塵滓
溷迹漁樵間冥通深物理
可否已徵蘭顧弄及稚子

李起巖內弟源霖

嚮者瀘水濱談藝極朝夕
困鱗待舉手胡爲久偈仄
終當念所生貽名在崇德

壽泉兄爵樞

二十作賦時凌雲見雙鶴
幼小常周旋老大徒契濶
君

似劍藏韜我如車轉轄

紫垣弟爵綬

君歸道東海寄我雪中書謂我何以告老馬慙識塗鴉
名固非策舍己將焉圖

寄楊青城蓮峰

迢迢清河水潤彼東鄰畦由來渤海俗奢儉隨轉移
勞民非喜事息物在因時想見訟庭畔碧樹鳴黃鸝百里
當得賢可遇宋益齊

寄嚴樓霞問樵

君似棲霞仙去作棲霞令雲開翠屏高月浸清洋靜應
憐現宰官莫諷哀時命垣籬有鶴心勺水有龍性君子
惜遭逢所貴非虛柄

立春前一日值宿日占

近署三台側殘冬一宿中人行響砌雪鴉散動林風寒
燭高吟過疎簾清夢通天門真咫尺起看日銜東

雲南行贈周雨亭太守還任永昌並送家仙嶠太

守

五華之山何嶢嶢中有渙海包乾坤干戈靖後二百載

不數漢代開人文卓哉今見永昌守萬里朝天驕昂首
昔時飲我黃水清今日祝公佛山壽東南歲歲哀鴻多
乖龍噴雨蛟騰波惟有此邦稱樂土問訊風俗今如何
去年傳聞益州震夜郎羅伽岸谷變保障應須賴霍公
流移孰爲招王彥蓬萊仙監吾宗才

帝曰往哉惟汝諧定識雲龍相上下甘霖到處回枯槁
燕門柳色浮天綠使我離愁添百斛花下空餘醉醒吟
鏡前誰其升沈卜花廳先後指南天爲語金華使者賢
講李春兩朝詩略從今補采取滇風被管絃

閩海篇寄鄭雲麓廣東竝送楊雪椒觀察之任燕

湖

閩海多才人我交得張季

謂亨甫

張季爲我言鄭楊寔心

契彼美者考功文章兼政事靜若淵鱗潛動若皋禽
春雨燕門花秋風楚庭穗示我百篇吟感我百端思對
酒忽不樂欲招楊君醉君乎不我來駢驂迫之出浩浩
長江波老蠟恣遊戲輸倉苦無租權關苦無稅青山已
荒蕪白紵亦憔悴不逢吟詩人臨風永歎噴往哉君莫
疑卓爾世方跂翹首天末雲各極飛騰致

艾至堂北度鴈關圖

莽蕩極風沙雄邊落日斜山空餘戰血鴈外出悲笳雪
過三春草冰摧萬石車獨遊輕絕塞中外其爲家

寄題余芝衫畹香畫室

菡萏峰南杏樹村涓涓流水到君門添將一角紅樓影
洗出千枝碧玉魂君配浣香夫
人寫蘭於此林燕語新求戶牖溪鱗
價賤足盤飧須知無限蒼生望十載空山自討論

贈劉穆士兼懷徐東松

君不見長安貴人飽塵土劉生養病常閉戶室中自納

三山雲天外誰飛九州雨手調素琴索我歌我歌君和
當如何世態紛紛若秋槁人事莽莽如春波荒江故人
憂思多一書百語千滂沱君馬蹇我馬驕欲飲無泉不
敢出夜深月黑各有夢招手故人其投筆

艾至堂乾坤中處圖歌

君不見下界曾孫良可哀武夷作歌空徘徊又不見釋
迦慈悲善變易大千何曾去六賊大儒乃有張橫渠苦
爲斯世矻頑愚父母宗子一氣耳人心本握天心樞艾
生好道通羣書識此眞實非虛誣天蒼蒼兮不可窺君

欲煉石補其虧地蕩蕩兮不可越君欲鞭鼈挂其缺世
人見君笑且驚君笑世人何無情吁嗟乎黃生與君其
莘莘用舍百年費商摧雲開喜見日月清水立愁聞江
海濁有時歌泣雜悲歡有時問天天不言秋風吹霜白
髮新老爾乾坤中處身

洪生行贈子齡

陽湖洪生有父風其才如劍筆如鋒自寫孤棕最激越
卻述先德何從容君家兄弟機雲似入洛聲名到吾耳
兼謂令兄秋風匹馬滹沱來青眼高歌屬吾子西望黃

勿樓上舍

秋風匹馬滹沱來青眼高歌屬吾子西望黃

河思崑崙北望太行知孤門山川萬古此磅礴目所未
視胸已吞先輩風流久蕭索祇今誰愛平原客且來就
我細論文慎莫從人輕挾策君不見姚叟椿郭叟羽今
倔强洪生與之參倘佯君才果是幽燕將豈比學步邯
鄲倡

不見

不見鄉園又十年白雲紅樹意茫然南華峰外斜陽路
誰看黃牛抱犢眠

四川行送王寶珊學使

君不見蜀山之高高插天王尊叱馭慨慷前矧今華陽
盛文教輜車所到無險偏江漢滔滔自天落劈山破野
走蛟鯉東南屢見流民哀陸海誰貽父老樂民徭蠶蠶
嗟何由得無池計籌邊樓使者會有主持責士氣以作
民風柔草堂西郭跡可求百花潭水千年幽許身稷禹
誰匹儔願君磊落拔其尤君之先烈歸廊廟

帝曰俞哉汝其紹秋風策馬經故鄉真見出門向西笑
喜郭羽可至京

太息風塵老郭隗夕陽瘦馬又燕臺詩聲疑挾黃河至

畫意添將紅藥開四海交遊幾兄弟千秋事業一雲雷
天心莽莽終難問賴爾雄譚佐酒盃

中秋泛舟通惠河

放櫂飛塵外開樽亂葦邊飢鳥低向郭泛鴨靜隨船碧
水易歸海紅雲難駐天無爲誤行樂適意且陶然

金亞伯大江泛月冊

萬里無雲孤月明動人秋思不勝情青山閱盡古今水
難得一江風浪平

詠史五首

皇天何不仁亂晉叢五湖匪伊天不仁人事生齟齬司
馬自魚肉蛟龍爭挈去離石縱劉翼流人資蜀驅羅尚
非不勇王渾毋乃愚傷哉惠與懷失馭無人扶

誰歟嘯洛城魚龍當變化滅趙實禍晉虞劉天所假鐵
騎橫幽并鞞鼓震岱華孟孫一劍雄暗鳴資叱咤獨恨
晉祖逸起舞空長夜

皇天有三日不照下土民溫陶一以徂元規揚其塵龍
城燄遂熾雀臺歌舞陳二寇指秦吳憑陵勢益振兇威
一朝殄孤死不得奔獨惜大司馬愧彼縛賦人

潮上與枋頭一再傾國師怒室及其父乃爲口實資哀
哉景略死豪傑亦已稀江東方戮力隕瘁非所期八公
神力集五將妖氛迷獨恨犬羊多蒼生終涕洟

晉德實不綱陽九僭始極陰山幾戰場東海血流碧餘
孽殘洛陽羣凶躡漠北天心自悔禍百年相翦剋不謂
司馬兒終喪股肱逆咄哉元熙年長星竟天赫

仙屏書屋初集詩錄卷之十

宜黃 黃爵滋樹齋著

風四章

天鬱鬱兮腐餘揚中人目兮愁蔑盲忽愁爾蔑盲日月

有輝光一解地鬱鬱兮傲溷塞中人腎兮愁嗽獲忽愁爾

嗽獲笑言當啞啞二解天地鬱鬱兮使我滯淫忽愁爾滯

淫帝鑒爾諶三解媚之斌之自爾取之蕉之萃之自爾棄

之四解

奉題禮烈親王克勒馬圖

東海水飛立闐然天驥來風雲與時會骨像騰圖開此
馬猶忠主賢王不負才應令千載下涕淚向金臺

相見行

相見復相見一日須一面匪云貌相親所貴心相獻君
歡我亦歡春蘭被風善君愁我亦愁寒冰集霰亂相見
不相知不如棄路歧可憐路旁草腸斷還相思松柏自
有蔭鸞鳳自有儀惜君不相見相見無相疑

次韻答劉孝長

楚國詞人絕代雄銅琶唱徹大江東雲霞影落一杯裏

風雨神交廿載中就列吾方慙假豸思歸君已羨冥鴻
湖山縱有嬉遊處莫忘清談此日同

秋懷贈友三首

唧唧蟲何事悠悠客自悲秋心風雨夕人意晦明時
馬懷長坂巢禽失故枝侵尋皆白髮底用不相思

好我逝將去疎星悄向晨佳人感蕭瑟窮士悔逡巡
闔高無極風雲契有真誰能乖遠志珍重此時身

水急蛟鼉怒山空虎豹爭鬼神淒欲避耳目聞無驚
溼蟻逢陰聚寒蟬抱樹鳴轉移憑造化靜觀息吾情

戲柬羽可

中書排日進官衙羞澀青銅伯坐車好是新秋三日雨
閉門寫盡竹槎枒

廣東行送李石梧學使

祝融騰天光熊熊倒映海水生長虹前有高固後曲江
天遣南戎開羣蒙靈州之氣千年鍾今之視昔將無同
誰擊神鼓驚世聒使者之責非民功要令知學迴土風
虎頭道險華夷通

天威遠控扶桑東佛郎機靜波不鴻任爾手掇珊瑚虹

我亦快覩爲豪雄

江西行送銘東屏

大江之西吳楚交風氣不齊雜淳凜豈伊百里各異民
毋乃宰割乖所操子爲江西吏我歌江西謠南庾北匡
何岩嶢鄱湖滔滔鼉鼉驕鼉鼉驕兮猶自可盜賊紛紛
愁殺我盜賊殺人人不聞官府催租急如火豈無追胥
不入鄉逋賦爭納新吳楊豈無郡縣望風旨鹽法獨便
新塗李今人豈不知古人安得今賢皆昔賢知人不乏
范延賞求民儻遇王伯安往哉吾子勿盤桓我懷桑梓

不考書卷
思百端夢裏西江月正寒

山西行送陳潤珊竝寄李榆邨刺史

山右古陶唐之遺我歌唐風鬱以思近者乃有伏牛之
里舞羊澗若燎旋撲嗟旣靡千載李韓不可作并州萬
族將誰託賴爾循良苟與郭方今中外久一家鴈門日
落無風沙但使粟城穀山不告竭何用秦壁趙壘相矜
誇陳生四載燕市客論文與我其朝夕秋風送爾有寒
色寒亦不足畏熱亦不足欣此意孰相識今有忻州李
使君若過尹鐸祠前路還訊薛雲谷裏春

朱春陽雪竹歌

暑雨鬱蒸天宇昏醉來堅臥愁出門
揩眼忽見石邊竹
月光雪色空無痕東華塵土那有此
令我棖觸思鄉園
鄉園千竿萬竿竹雪後荀肥香可刷
我懷山中不得歸
君愁林下偏難伏梁園花謝怯春寒
燕山水落悲秋肅
昨者有客向我謀手持一卷文湖州
副之唐琴復漢印
長安市上無人售朱生朱生胡爲挾
此一枝筆肉食糞
糞將何求

自題圖絕句四首

偶憶平生四照皆非故我近年復屢倩畫工爲
之亦不能似也一渡江一遊廬五少一思樹芳
蘭一四子論詩圖所不似詩以似之云

畫手當年華古厓空江一葉費安排誰知倚棹書生少
不怕蛟龍觸處乖

五老青青天外身人間五少亦前因廿年此樂知難再
面目求時那得真

爲鋤荆棘種芳蘭得意三焦酒戶寬祇有名花同氣味
誰將古鏡照心肝

徐公妙得潘張友詩舫天開偶著余不獨座中無主客
須知象外有真如

福建行送霍蓉生

我聞釣臺山色萬古青俯瞰大江趨滄溟尊官貴人盛
遊蓋處常蔡辛幾人在欲訪賢良陂石泉澗矣今誰知
欲問避秦地榴花落盡無人至送君夢君嶺雲裏與君
相思定無已嚴風隕霜天早寒妖星照野愁無端風塵
一劍休戚戚他日期君萬人敵

重九日獨遊白雲觀

去去渾無礙行行信所遭啼鳥靜落木飛鶴散平舉雲
駕疑仙集塵途笑客勞所思方不見獨自怯登高

郭羽可畫竹歌

老可風塵三十載胸挾淇園萬竹枝九渡黃河走堯豫
今來還宿鳳皇池鳳皇有羽不得奮鴛鴦笑殺憐爾飢
怒氣鬱勃鞭虹霓穿巖破谷天爲開風風雨雨鬼神嘯
枝枝葉葉琅玕披壁間二十幅世上五百年黃生那能
久有此毋乃癡甚相周旋老可苦愛黃生句時以新竹
引其趣此冊云欲自珍藏凡夫未足相表著芳悅草魂

女動魄我欲奪之不可得涓涓細韻挹清泉嫋嫋疎陰
遮瘦石夢裏鄉關渺何極寥天鷲鳥愁搏擊不若林禽
善棲息廬山苦筍亦可食何時種竹匡君側

節婦行

吳雅氏秀山嘗出宰浙西以母髮去旋歿其妻
烏扎暉氏投繯以殉

夫號厥母兮婦號厥姑風饕雪虐兮返喪廬子哀母兮
血旣枯妻殉夫兮曷踟躕翁誰事兮夫有弟息誰撫兮
室有姊堂告翁兮墓辭母投繯柩側兮畢命帷裏何從

容兮若此嗚呼女子兮愧男子鬱殺魄兮燕之郊斜陽
衰草兮鳥悲號荒塚纍纍兮狐兔驕獨爾靈兮不可彫
苗爲神芝兮愁鬼妖

南蝗

飛蝗向南行蝗聲所過惟哭聲蝗面人面何猙獰見者
不識聞者驚捕蝗蝗不避殺蝗蝗不畏吳楚閩粵交惟
蝗所食地我欲拔劍索江神蝗不過江今奚然爾水爾
旱殛我民爾蛟爾龍慘不仁復縱飛蝗助爾虐謬謂上
帝不爾聞嗚呼飛蝗食穀還食人穀死人死爾神血食

誰復存

悔過詩示章生及兒子林榘

彼日月兮胡殫而晦雖則未晦照猶有闕章一彼雨露兮

胡漘而闕雖則未闕澤猶有闕章二目及千里蔽於一堂

耳及四海塞於一房章三收吾之明返吾之聰聽彼無語

視彼無蹤章四所求夫神我未知命所求夫人我未盡性

章五愛屋及烏愛友及孥山傾可覆河決可瀦章六慎之惕

之不走而蹶憂之懼之不飲而醉章七天地無私日月不

與少壯不斲老而奚踰章八嗚呼小子告爾慎止若穀順

逆如機逆水執明則禮樂幽則鬼神告爾小子毋重吾
愆章十

丙申燕九葉筠潭前輩招遊白雲觀歸集白鶴山
房分韻得非字

馬首春痕逼翠微白雲縹緲向空飛乞錢道士何時飽
化鶴仙人此日歸樓觀未隨流水換光陰已歎隔年非
金壺玉琰憑淘洗莽莽塵途總夕暉

二月二十六日招葉筠潭前輩郭羽可艾至堂蔣
子瀟張亨甫朱曉山小集江亭

孤亭遙對翠微彎，嚮夕風狂坐掩關。
冀北才多天下駭，江南春在夢中山。
杏花淺白人初醉，柳葉深青燕未還。
何處飛雲齊引領，甘霖三日洗塵寰。

三月九日門人曹良甫劉耘藍錢冬士張玉峰賈
運生招飲花之寺歸過崇效寺觀拙公紅杏青
松圖及漁洋竹垞兩先生所種樹有作示諸子
和之

日煖風和薄醉勝，飛英點點冒蒼藤。
海棠笑問何時種，無復當年粥飯僧。

田盤山碧際天交紅杏青松對結茆省識菩提本非樹
聲聞誰解拙公嘲

西來閣下丁香樹玉雪雙株老更新花繁滿園總巖俗
世間真有效聾人

江亭展禩詩

二儀嬗運四氣迭周道以時育物因化流俯仰千載孰
樂孰憂允矣古人惟好是求一章太行屹屹桑乾滔滔冀
野千里壯哉神皋釣魚勿羨屠狗勿勞上有

神聖下有英髦二章惟茅可藉惟蘭可芟君子至止慰我

饑渴天和以曠人暇以發除舊飾新厥義惟祓三章爰處
臺榭爰居高明爰笑爰語爰觸爰觴無用非用德以言
亡無用爲用志以文彰四章天鑑我農錫之甘雨

皇鑑我士載育載煦臨深知鱗攀峻知羽豐德懋儀載

潛或舉五章天之生才不竭如水孰通其原孰道其委瞻

彼白雲或霧或飄或合或離或愠或喜六章有蟠者松有

苑者柳懷彼哲人惠風惟颺來往千載孰先孰後側身

乾坤勉哉不朽七章

答潘四農卽送其歸山陽

潘郎別我意淒然四月溽沍欲暑天新句每貽蘭澤美
舊交多是竹林賢謂丁儉卿魯蘭岑諸君芙蓉秋滿滄江露芍藥
春消市郭煙兩地情懷一相感飛鴻嘹唳亂雲邊

示蘇磨堂庶常卽題其守柔齋詩鈔

長天起爰日佳句挾清冰蹤跡疑疎遠精神喜奮騰才
當衰俗振道爲衆流勝試語蓬萊客金齧孰其登

蒼鴉

五鳳樓前蒼鴉飛陰森翠柏自相依廟堂不爽江湖志
二月來巢八月歸

五月六日衙齋卽景

榆廳小坐榻陰移
鳥啄青蟲墮碧枝
歷亂風前白蝴蝶
飛飛猶解避蛛絲

送徐鐵孫大令

君家南海上宦遊北海間
賺得紅塵與白髮

君自言爲藁城枝官

二年所得惟紅塵白髮耳

一笑行雲更出山
行雲出山向何處
迢迢

浙水東西路海上隄
防截怒濤江邊桑稻思
甘澍經生作更有本原
士氣旣洽民風敦試登
吳山峰第一左江右湖
羅清罇連朝新雨洗
岌虐綠楊繫馬猶燕
郭秋風

湖上寄詩來知爾關心定民莫

送鄭愛山出守臨安

君不見鸚鵡山頭鸚鵡呼
七人慕之不得逋又不見青
龍潭中青龍螫網師求之不可狎
井泉溥博火燄焦中有元氣
渣燮調君行萬里酌君酒蓬萊
十載重迴首安得從君環翠樓
川雲谷雨交平疇文教但承建
節使武功不羨盟蠻侯

送周石生觀察之蘭州

皋蘭岌業連雲起西控天方二
萬里落日雕盤白草原

堅冰馬蹴黃河水太平無事靜邊防酌酒堪登平遠堂
爲訪渾瑊植忠謹好求袁盎勸循良

鐵耕樓歌送香鐵

鐵耕子所耕不在山不在水乃在眼前突兀之高樓土
憑日月下臨無極虎豹阻絕蛟鼉愁有時載筆去出手
馳風雷朝吟梁王苑暮嘯燕昭臺鐵耕子心似鐵下和
足不可削泉明腰不可折歸來歸來乃在練水之濱滄
洲之渚泳春風兮涵化雨飽朝盤兮醉夕酌君不見化
龍溪水東向流風煙近接潮陽秋但願此閒歲歲農無

憂鐵耕子何所求

九月三日衙齋即事

秋風颯庭柯黃蝶紛墮砌時和雨露滋氣肅冰霜厲榮華若任天真固自憑地斤斧苟不傷蚍蜉焉足累紛紛世間人何由識榮悴觀化測無方慨然念培植

贈別郭羽可

老可今去矣吾恐過不聞知交半天下直諒誰似君繁霜殺勁草世態何紛紜游龍避蠓螟霧豹藏其文人生無憂患德慧何由尊所恃二三子急切戒濡焚蒼蒼天

無極四野多浮雲秋風忽此別涕淚沾衣巾君心懸北海我夢惟青原想見竹林下披圖如晤言

送徐松龕出守潯州

桂之水分溶溶潯之江兮淙淙願鼓楫兮乘風舉蘭芷兮蕙叢朝登澄霽閣暮躡超然亭秋月懸明鏡春風含太清榕門之榕尚在否哲人往矣今誰偶從政遺規庶可循乞君教養師其真

天子英明鑒忠讜閩闔苑轉迴樸淳朔雲沈沈方釀雪
潯沱凍澈馬蹄鐵惜哉怱怱與君別欲語不語心如結

臨江行送熊璧臣太守

我聞閻皂三十三福地又聞玉笥第十七洞天贛江昔
權中流船神遊不得躋其巔是時赤日吐炎暑苦思巖
壑蛟龍鞭喻公施公緬遺績我我今見二千石白雲羨
爾垂聲名碧嶂亭名從茲煥顏色看君惠澤溥羣生盜賊
虎狼非昔情寄我新詩與畫卷側從桑梓懷樵耕

仙屏書屋初集詩錄卷之十一

宜黃 黃爵滋樹齋著

哭舊詩二十四首

座主少宰長興張小軒先生

潞水蕭蕭送一棺
生前死後總清寒
傷心不爲師門哭
廊廟如公盡瘁難

座主少司空會稽吳棗梁先生

百年知己慟文章
回首追隨總斷腸
繞郭看花攜酒路
白楊衰草月如霜

大宗伯樂平汪巽泉先生

七十尚書無葬資九原先有子同歸

公子小泉孝廉老先公數日卒

成桑梓摧殘甚千仞誰能振翮飛

前中丞南城曾賓谷前輩煥

海棠春雨花之寺猶見風流老輩多身後由來歸寂寞
生前未肯付蹉跎

前廣文鄒曉江先生夢蓮

青山何處弔詩魂日暮天寒翡翠村

先生有翡翠詩極佳予少時嘗誦之

遲我選樓嗟未及百年風雅其誰論

先生聞予選國朝人詩期以十年

得見今先生歿而
予書尙未成也

姍丈余一齋秀才學闈

溪上漁樵狎往還
名流時復叩柴關
薜蘿蒙密梧桐老
兩世如今歸道山

前侍郎長白鍾仰山前輩昌

桂子飄香月到帷
論文酌酒賞心時
一從塞北魂難返
祇有江南夢可追

東鄉吳蘭雪刺史嵩梁

詩人作吏太蕭條
魂魄東山孰與招
龍樹送君殘雪後

飛鴻萬里斷雲霄

南豐吳子顧工部嘉言

自古詩人水部多吳生才調勝裴何十年蕭寺看花處
愁絕臨風想佩珂

前觀察富陽周芸皋前輩凱

長安尊酒大淋漓惜別淒然向海湄獨有襄陽遺愛在
千秋一卷種桑詩

龍溪鄭雲麓都轉開禧

嶺海書來嬾未酬喜聞奉

詔出營卹憐才不識蒼天意槃錯何曾到白頭

長沙王琴垞戶部寅

哀歌斫地有王郎一櫂淒然返故鄉
瑤瑟無端忽搥碎猿悲鶴怨滿瀟湘

德興余東才明經朝楷

銀潭水深不見底腳踏鯁公何處歸
一夕瑤琴罷飛瀑千年寶劍埋寒暉

瀘谿傅荀圃秀才班聯

老猶好學惜斯人名利蕭然不墨身
惆悵妙峰高下路

白雲寒月叫蒼鷹

湖口周雪樵太守仲塚

如何一醉別長安
流水高山失故歡
禹穴雲霞自終古
憐君只在病中看

崇善梁省吾禮部葆慶

家書教孝勝楸書
君父瑞亭先生家書七見爾傷心泣
十餘札奉諱後輯刊之
血餘痛絕秋江八千里
只留魂魄到喪廬

海豐吳季文戶部式羣

寒花隱几散清芬
添酒迴燈憶論文
化鶴歸來空夜月

孤鸞泣盡慘秋雲

順德簡夢巖孝廉鈞培

病翮還山竟不還脊令江上泣孤單

君兄永菴孝廉同歸可憐蕉

萃詩人魄風雪猶過惶恐灘

南雄何彌棗廣文金

萬里相思十年夢魚書寄不到泉臺蕭條身後知何似
埋骨應教傍嶺梅

宣化李心一庶常錦業

菽水承歡白髮侵荒江忍耐歲寒深蓬萊一覽遊仙夢

未了平生孝子心

仁和金讓水庶常濂

罡風飄忽散明霞
慘澹天心任怨嗟
黃口孤兒那解事
幽魂自泣杜鵑花

蕪湖周仿迂戶部茂洋

幾載青山沈日月
一時上谷會風雲
如何精悍眉間色
夢裏徒教一見君

丹徒包圭山孝廉國璋

豪吟已見詩心細
快飲還聞酒戶寬
欲向金焦尋伴侶

玉樓歸去海潮寒

澹谿饒禹生明經崇慈

道是生離竟死別十年蕭寺感曇花
秋風寄我殷勤語
欲報飛鴻日已斜

贈石瑤辰詞馬

桑梓聞循績芝蘭見素襟
能迴天地氣直入士民心
南浦月光靜西山春色深
隨君惟有夢惠我可無音

送鮑馨山假旋

白水心能見青雲跡
可干東風馬前好
北斗望中寒卻

仙舟集卷五
五
病求仙米貽芳種綺蘭蓬萊仍待爾莫便老漁竿

贈馬止齋大令

經術飾治行仕學非兩歧出來武健吏不若慈惠師偉哉龍江子風雅宏歌詩訟庭花自落憶爾臨犍爲竭來住長安吟咏方透逸簡書一朝迫遙指天之涯山連雪峰起水接澎湖飛鯤鯨易跋浪鸞鳳雜棲枝吁嗟志士勇足破凡夫疑但期競綠化百祿惟爾宜

蕭寺二首

蕭寺與塵遠靜餘春覺深蘆芽煙際密松翠雪中森陳

蹟懷朋好新機見佛心不嫌風似虎怖鴿早歸林
燒燭夜初短提壺晷漸遲優閑惜日力蘊藉託風詩
官柳黃金縷仙桃碧玉枝美人在何許搔首欲相貽

蓮花寺僧索詩口占示之

碧草紅花伴髣髴幽棲聊可託迦陵回頭十五年前夢
猶見閒中著个僧

丁酉上巳招諸子江亭春禊疊次壁間王述庵侍

郎詩韻

風落市聲散雲開春宇高鳥鳴思出谷魚樂想觀濠尋

岳誰飛步歸湖未買初情同羈渴驥氣尚禁寒螿地接
虛亭古天懷佳節遭前賢跡已逝吾輩意斯陶政事方
多暇文章况足豪開軒得夷曠列座遠塵囂語靜恰喧
磬心清聊濁醪斷幢蝸補象空閣燕留毛歲月眼中過
山河首重搔此間堪俯仰半日極遊敖莫問揚雄字休
誇宋玉騷因時爲變化立志在堅牢吾榜多名士長安
見爾曹所知原落落蒙誚豈皋皋相和宜占鶴同來自
釣鼈月當移粉署霜或點宮袍光耀燭分室精神劍合
韜百年幾聚散四海一憂勞天府懋糜粟詩壇欲振馨

清談嗤已誤，嶮語笑相饒。庶以名爲寶，毋忘業所操。溫
生翰善圖畫，倩爾筆添毫。

哭友詩四首

李蘭屏比部彥彬

三年丹地筆十載白雲司，不改古人貌。彌深內行思，乾
坤失雙鳥。零落我心悲，誰見湖州叟。憐才空涕淚，君與
令弟

蘭卿都轉皆出葉
筠潭前輩門下

王慈雨吏部欽霖

壯士摧難折，雄心死未平。天平不可問，鑿者詎能生。遇

每憐方朔才眞惜曼卿淒然風雨夕猶想讀書聲

趙直夫大令本敷

十載江南別思君枉斷腸風號蕭寂地月墮杳冥鄉遇
綉才難盡髮深志易傷華峰歸未得空憶舊書堂

大華
山中

余芝衫大令錫璋

哭爾遽三世蒼涼鬼伯呼一官天竟惜萬事日方徂波
浪愁凶鯉山林駭訓狐由來歸命數誰爲解妻孥

詩心

詩心似月圓萬舌照青天
鸞鳳光中舞山河鏡裏懸
浮雲蔽空曠殘夜泣嬋娟
獨有蓬萊頂相攜一灑然

贈潘四棣

蘇公託跡處往往多詩人
赤壁鶴千里黃州月一輪
思工迴麗藻語重入天真
寂寞燕臺夜高歌更有神

丁酉五月五日次韻寄筠潭前輩

喜對兒童艾葉簪一樽
忘卻巖華侵

宮前鵝起纔朝日郭外烏啼又暮陰
報

國難爲天下計思親易動故園心
蕭條文字存知己猶

似當年翰墨林

詠史此首

文翁治蜀郡仁愛敦教化選材詣京師招俊闢學舍出入必與偕光榮爲假借士服民則馴輕重適所駕四海學校興千古聲名播廬江亦何奇報政先其大

漢吏尚嚴酷次公獨寬和持法一以平周密除煩苛許丞老且聾不逐茲謂何送故復迎新所傷民已多督郵俯首去姦吏空相賊

亂民如亂繩吏急焉可治單車到渤海盜賊心已疲懸

知太守來恤我寒與飢兵弩遂解散鉤鉏相與持功成
上天子主聖臣何爲

信臣遷南陽其治如上蔡止舍離鄉亭勤力無少怠增
戶倍耕作通泉廣灌溉百姓號名父用以顯親愛民富
吏則榮吏富民斯瘁

九真好射獵駱越無婚姻牛耕易其業種姓別其民風
雨感天和稼穡盈倉困夜郎知慕義戍卒罷不陳異俗
猶克變華風豈不振

稚子少好俠晚節尤敦儒選能佐大吏天子聞咨吁作

令始溫縣積狗行誅鋤兗州風威播洛陽神算儲不見
安陽亭弦歌薦里閭

伯周益合浦去珠乃復還一朝謝病去吏民失所天中
夜載船遁歎息車空攀耕傭處窮澤慕義來四鄰畏則
如猛虎愛則如祥麟請告千載下好惡視茲民

立秋前二日衙齋口占

槐花滿地鋪黃雪慘綠陰中避日行莫厭元蟬太多事
明朝到耳是秋聲

十驛詩

驛柳

弱柳垂長絲欲絆行人住含情不得語假與寒蟬訴

驛花

紅紅兼白白不怨道旁塵堪令隨手掇日夕望行人

驛夫

南行送君南北行送君北不管輿中人髮向輿中白

驛馬

渴時不得水飢時不得芻貪食道旁草喚殺貴人奴

驛館

昨夜館中月今夜館中月樓燕暮各投征鴻曉又發

驛渡

人馬同一船船頭天墮水馬渴不得奔人渴不得洗

驛火

繡閣燈初爇天涯火獨然不願照君去但願照君旋

驛爨

朝餐復暮餐差過如流水借問座中人何曾飽欲死

驛夢

南行夢冀北北行夢江南江南花返權冀北雪飛驂

驛詩

英雄及兒女兩淚併一心蜘蛛半相蝕怕與盡情吟

丁酉山左閣中賦詩三十韻

大國神州奧斯文

聖代才陰陽岱宗劃潮汐鉅溟迴天與奎婁耀人經禮
樂裁漢儒崇伏鄭唐逸起韓裴風驛隨蟬度星郵策馬
來平原愁相士姚水緬掄才當事精勤甚羣倫饜飫纔
憂心急河漕盛意託龍駮穢盪芬斯烈奸鋤正不頹職
雖分內外理自貫傾裁筆細千絲緯文雄萬陣摧河渾

辨伏濟楷直笑踈梅真僞關風化純疵藉琢追况當望
霖雨應不負黔雷襄贊皆英彥尋常識蹇駘新知逢歷
不舊契或燕臺帥友資常切

君親報匪能聊陳一日力恐受衆人貽憶昔南中使曾
承北斗魁眼前龍虎驟頭上兔烏催離合誰司者升沈
亦異哉所爭存道義自足拔塵埃露洗秋花豔煙橫遠
樹堆祇今鵲山望亦似鷺洲澗校藝燈連檠繙經茗展
杯簾垂新月透帳動曉颺聞默會鬼神伺狂呼僕從猜
夜應頻繼日手不暇承頰飽懼官庖誚糜增廩粟詎作

歌因勵志廣廈願同恢

劉眉生前輩招集西園有作

昨過嘉樹軒日暮聞流水羔筵洽衆歡鼙鼓催客起高
談挹未罄清夢溯方始茲晨重良招同心有數子鮭菜
見鄉風粉糗味逾旨聯步登高臺周覽輒移晷斷石臥
秋葉清流蔭叢葦主人廛民髮一室視千里藉非延攬
意窺園嶽其幾花時鳥自閒漲後魚應喜借問泉石人
樂志何如此

釣突泉

三泉突出如飛鵝翻空蹴轉銀河波湍珠激地拾不得
寶雪衝風吼更多中間相去只咫尺千里萬里同一脈
是何神巧出天倪相爭相讓不相息奔流從此歸大瀛
混茫一氣涵太清池邊鷗鷺自相習潭裏遊魚靜不驚
仙人何時駕鶴去枯僧守此朝復暮泉頭翦入銅瓶中
一吸清涼散昏翳

明湖謁南豐先生祠待月返樞有作

日斜秋在山月出秋在水我權任往還清興良未已祠
空渚葉飄人遠寺鐘起明發思無端夢墮鵲華裏

德州贈舒自卷刺史

別思秋風緊，歸程落日催。
田收四村出，河折萬艘回。
膏澤關民瘼，艱難見吏才。
何當重把袂，濯錦對園開。

德州署中

有石題曰濯錦園董文敏筆也